

摘藻堂四庫全書薈要

子部

欽定四庫全書薈要

子部

御定淵鑑類函卷

九十九
一百

欽定四庫全書薈要卷一萬一千五百四十七

子部

御定淵鑑類函卷九十九

設官部三十九

太子家令 丞 主簿 食官署
典倉署 司藏署 增典帳署

府正司 延慶司 典用監附 太子率更令

太子僕 丞 主簿 廐牧署 增僕正

副僕正 典牧監附 太子衛率 官屬附

太子司禦率 太子清道率 太子監門率

太子內率 太子門大夫 太子典膳郎

藥藏郎 內直郎 典設郎 增典食令

丞附 太子旅賁中郎將

皇太孫官屬

太子家令一

丞 主簿 食官署 典倉署
司藏署 增典帳署 府正司



延慶司

典用監附

原杜氏通典曰太子家令秦官屬詹事

服虔曰太子稱家故曰家令

漢因之有丞主倉穀飲食職似司農少府漢代太子食湯沐邑十縣家令主之後漢則屬少傅主倉穀飲食魏因之晉又兼主刑獄貨飲食職比廷尉司農少府其家令率更令及僕為太子三卿太康八年進品與中庶子二率同自漢至晉家令在率更下宋則居上銅印墨綬進賢兩梁冠絳朝服主內茵褥床几諸供中之物及

官奴婢月用錢庫內鹽米車牛刑獄齊因之自宋齊以來清流者不為之

沈約為齊文惠太子家令

至梁天監六年武帝以

三卿陵替乃詔革選家令視常侍黃門陳因之後魏亦曰三卿北齊家令有功曹主簿領食官典倉司藏等三署及領內坊令丞隋掌刑法食膳倉庫奴婢等煬帝改為司府令唐復為家令寺置家令一人唯不主刑法餘與隋同龍朔二年改家令寺為宮府寺家令為宮府大夫咸亨初復舊丞二人主簿一人領食官署典倉署司

臧署署令各一人丞各一人 丞漢家令有丞後無聞

宋書云家令丞一人晉置宋齊以後並有之後周無隋家令丞二人唐因之龍朔二年改為宮府丞咸亨元年復舊掌判寺事 主簿晉家令有主簿宋齊因之自後

無北齊家令有主簿員隋亦然唐因之掌印并及勾舉食官署令丞漢唐事屬官有食官令長丞後漢亦有而屬少傅主飲食晉太子食官令職如太官令宋則屬中庶子齊則屬詹事掌厨膳之事梁食官局屬庶子陳

因之後魏亦有北齊有食官令丞又別領器局酒局二丞隋家令寺統食官令丞令一人丞二人唐因之掌飲膳之事 典倉署令後漢太子倉令屬少傅主倉穀魏以下無聞後魏有之北齊家令寺領典倉署令丞典倉署又別領圉丞隋家令寺統典倉令丞令一人丞二人唐因之掌穀藏出納及醢醢庶羞之事 司藏署令晉

家令有主物吏四人梁有錫賜庫局丞庶子又有東官衛庫丞北齊家令寺領司藏署令丞司藏又別領仗庫

興作二局丞隋家令統司藏署令一人丞二人唐因之

掌藏庫財貨營繕之事 增文獻通考曰宋有主管左

右春坊事二人

以內
臣兼

同主管左右春坊事二人

以武
臣兼承

受官一人

以內
侍兼

仁宗神宗升儲位並有之中興後孝宗

光宗正儲位及莊文景獻太子皆置其官

記纂淵海云
本朝東宮有

六傳下至率更令僕
故官存而無職司

遼史曰遼太子家令寺設家令

丞主簿

又有皇太子惕隱司掌皇太子
宮帳之事又有皇太子祗應司

金史曰金家

令丞掌營繕栽植鋪設及燈燭之事

元史曰元家令

司令丞典簿各二員照磨一員掌皇太子飲膳供帳倉
庫嘗改內宰司後復明不設司藏金置司藏副掌
庫藏財貨出入之事元因之司倉金置司倉副掌倉
廩出納薪炭等事儲膳司元置卿少卿丞主簿照磨
掌皇太子飲膳之事

即食官署職

附元又有典幄署掌太

子供帳令丞各二員府正司掌鞍轡弓矢等物府正

府丞典簿各二員照磨一員改宮正司後復舊延慶

司掌修建佛事使二人同知一員副使典簿各二員照

磨一員後置卿丞等員 典用監卿四員大監少監丞
各二員經歷知事照磨各一員掌供須文成藏珍三庫
內府供給段疋寶貨等物 典寶監卿大監少監丞各
二員經歷知事各一員

太子家令二

增掌刑法

具威儀

唐書官品志云家令掌刑法食膳
食庫什物奴婢等事 事文類聚

云凡皇太子備禮出入則乘
輅車具威儀先諸臣以導引

原職如司農 品比廷

尉

續漢書百官志云太子家令一人
秩千石職如司農 下詳通典

增陸亮忠心

譙周疏諫

事文類聚云晉武帝詔曰太子家令陸亮有忠
心可補吏部郎 事文類聚云後主為太

子以周為家令後主頗出遊觀增廣聲樂周上疏諫

婢識座客

文號宮體

事

類聚云沈約嘗侍宴梁武帝有妓師是齊文惠太子宮人帝問識座中客否對曰惟識沈家令約伏地流涕帝亦悲焉為之罷酒 事文類聚云梁徐摛屬文好為新變不拘舊體為皇太子家令兼管書記文體既別春坊盡學之宮體之

影斜方出

休沐不歸

事文類聚云齊文惠太子

疏自斯而起 入居東宮沈約為步兵校尉管書記時宮中多士約特被親遇每旦入見影斜方出尋選太子家令 元史云揚多爾濟仁宗居東宮以為大中大夫家令丞日夕侍側雖休沐不至家眾敬憚之

輔導德義

服勤守恪

元史云秦起宗累遷太子家令司典簿官上言東宮官屬輔導德義財賦非所治也

朝廷是之元史云王倚世祖選良家子入侍東宮倚年弱冠太保劉秉忠深器重之即以充選倚服勤守恪遂見信任有詔皇太子裁決天下事倚知無不言立東宮官屬以倚為家丞又置儲用司掌貨幣出納令倚兼之

太子家令三

原鼂錯智囊

漢書云鼂錯為太子家令以奇辯得幸太子家號曰智囊是時匈奴強數寇邊上發

兵以禦之錯

上言兵事

疏受恭謹

漢書云疏受以賢良舉為太子家令受好禮恭謹敏而有

辭宣帝幸太子宮受迎謁應對

進品第五

晉起居注云太康八年詔曰太子家令進品第五

東宮達官

晉起居注云武帝太康八年詔曰太子家令東宮之達官也

太子率更令一

丞

主簿附

原杜氏通典曰太子率更令秦官

掌刻漏故曰率更

漢因之有

丞主簿庶子舍人更直職似光祿勳而屬詹事後漢因
之後屬少傅魏因之晉主宮殿門戶及掌罰事職如光
祿勳衛尉而屬詹事宋制銅印墨綬進賢兩梁冠絳朝
服梁陳後魏並有之北齊領中盾署掌周衛禁防漏刻
鐘鼓亦屬詹事隋掌伎樂漏刻有令丞錄事各一人唐
因之加掌皇族次序及刑法事龍朔二年改率更寺為

司更寺改令為大夫咸亨初復舊丞主簿各一人丞
後漢率更置丞一人歷代悉有唯後周無唐因隋掌判
禮樂刑罰之事主簿晉置一人宋無齊有之自後無
聞北齊隋又有之唐因之掌印及勾舉增記纂淵海
曰宋無職司遼史曰太子率更寺設太子率更令丞
主簿金元明皆不設

太子率更令二

增職掌宗族位亞家率

太平御覽云率更令職掌宗族次序禮樂刑罰及刑漏之

政令凡皇太子釋奠於先聖先師講學齒胄皆總其儀注而為之導引 太平御覽云若皇太子備禮出入乘

輅車位亞家率焉

知幾介直 德誠謹恪

唐書云劉知幾中宗

唐六典作家令

時擢太子率更令介直自守累歲不遷 元史云尉遲

德誠字信甫歷官太子率更丞遷家令司丞仁宗以為

謹恪嘗賜酒帛得侍左右

原主宮殿之禁 掌周衛

數薦士出則未嘗語人

之防

續漢書百官志云率更令秩千石掌宮殿門戶之禁

下詳通典

太子率更令三

原清賢士

物理論云今呂子義清賢士也為太子率更令

嚴毅清高

物理論云呂子

義為太子率更令有人就之宿者而非其數度云云

職似光祿勳

詳通典

秩與

衛率同

晉起居注云武帝太康八年詔曰太子率更令其進品第五秩與衛率同

增博物

洽聞皆出其下

隋書云明克讓轉率更令進爵為侯太子以師道處之恩禮甚厚有四方珍味

輒以賜之於時東宮盛徵天下才學之士至於博物洽聞皆出其下

尺牘所傳人以為

法

唐書云歐陽詢初倣王羲之書後險勁過之因自名其體尺牘所傳人以為法貞觀初厯太子率更令

太子僕一

丞主簿廐牧署增僕正副僕正典牧監附

原杜氏通典曰太子僕秦官漢因之又有長丞主車馬

太子廐長一人亦主車馬

後漢因之屬少傅職如太僕太子五日一

朝其非太子朝日即令中允入問起居魏因之晉主車

馬兼主親族如太僕宗正從駕乘安車次家令而屬詹
事宋齊並有之梁視黃門郎陳因之後魏亦有北齊詹
事領僕寺置令丞功曹主簿領廐牧署令隋僕寺置僕
一人掌皇族親疎車輿騎乘領廐牧署令唐因之加掌
儀仗喪葬而不掌親族龍朔二年改僕寺為馭僕寺改
僕為大夫咸亨初復舊丞主簿各一人統廐牧署丞
梁有之後魏北齊隋並有之唐因之主簿晉置宋無
齊有之梁陳後魏無北齊隋皆有之唐因之廐牧署

令丞漢有太子廐長丞屬詹事後漢亦有而屬少傅主車馬魏晉因之齊東宮屬有內廐局外廐局皆有丞梁陳因之後魏有之北齊則曰廐牧署令丞車輿局丞隋僕寺統廐牧署令丞唐因之掌車馬閑廐牧畜之事

增記纂淵海曰宋無職司 遼史曰遼太子僕寺設太

子僕丞主簿 元史曰元太子僕正掌車正收弓箭儀

物事又太子副僕正掌貳僕正 典牧監元置卿大監

少監丞各二員經歷知事照磨各一員掌孳畜之事

明不設

太子僕二

增親馭

番休

六典曰皇太子之車輅三一日金輅二曰軺輅車三曰四望凡太子備禮而出

則率廐牧令進輅僕親馭焉唐書于志寧傳東宮

僕御舊得番休太子不聽志寧為詹事上疏極言

如太僕 擬宗正

續漢書百官志云太子僕職如太僕主馭下詳通典

太子僕三

原太子僕主車馬

續漢書百官志云太子僕一人秩千石主車馬

蔣顯為太

子僕鍾會愛其才學

蜀志云蔣顯為太子僕鍾會愛其才學

太子左右衛率一官屬附

原杜氏通典曰衛率府秦官漢因之屬詹事後漢主門

衛徽循衛士而屬少傅魏因之晉武帝東宮置衛率初

曰中衛率太始五年分為左右衛率各領一軍惠帝時

愍懷太子在東宮又加前後二衛率

晉志曰凡太子出前衛率導在前黃

麾左右二率從使導輿車後衛率從在烏皮外並帶戟執刀其服並視左右衛將軍

成都王穎

為太弟又置中衛率是為五率及江左省前後率孝武

太元中又置宋齊止署左右二率

齊沈約為太子右率又徐孝嗣自吏部

尚書轉領太子右率臺閣事多以姜之沈文季亦嘗為此官

梁二率視御史中丞

銅印墨綬武冠絳朝服左率領七營右率領四營陳二率後魏曰左右衛率北齊謂之左右衛率坊後周東宮

有司戎司武司衛等員隋曰左右率兼有副率二人

文帝

以太子勇預知時政欲重宮官之資故以大臣領其職蘇孝慈自兵部尚書拜右衛率尚書如故上將廢太子憚其在東宮乃出為湖州刺史煬帝改左右衛率為左右侍率兼置副

率二人唐為左右衛率府龍朔二年改其府為左右典戎衛咸亨元年復舊置率各一人領兵宿衛督攝隊伍

總判府事

李靖為中書令行左衛率轉兵部尚書

副率二人

掌貳率事

長史各

一人隋置唐因之掌通判自長史以下胄曹以上諸率

府並同錄事參軍各一人隋置唐因之掌勾稽監印

倉曹參軍各一人隋置唐因之掌官員假使儀式糧廩

膳羞田園公廨過所監藥等事兵曹參軍各一人隋

置唐因之掌府內衛事以上各帳差科及公私馬驢等

胄曹參軍各一人隋置為鎧曹唐長安中改為胄曹

參軍神龍初復為鎧曹太極中復為胄曹掌軍器儀仗

公解營造罪罰長史以下官局所領職務諸率府並同
親府勲府翊府中郎將各一人梁左右衛率共領十
一營二率各領殿中將軍十人員外將軍十人北齊左
右衛率坊各領騎官備身員外又有內直備身正副都
督隋左右衛率下直閣四人直寢八人直齊直後各十
人唐則曰親勲翊三府各置中郎將左右郎將各一人
唐置錄事兵曹參軍各一人 增文獻通考曰宋制左
右衛司禦清道監門內率府率率府副率不常置中興

後惟監門率府副為環衛階官 遼史曰遼置同唐

續文獻通考曰金左右衛率府掌周衛導從儀仗屬官

師府 事文類聚曰元置太子左右衛率府率掌同衛

導從儀仗事 續文獻通考曰明太祖初置皇太子左

右率府都督同知後罷

太子左右衛率二

增總諸曹事 備東宮官

六典曰左右衛率掌東宮兵仗羽衛之政令總諸曹之事

凡親勳翊三府及廣濟等五府屬焉副率為之貳 續文獻通考云遼制太子上有師保下有府率東宮備官

也

王琳並徵

謝莊獨秀

沈約宋書云元嘉中以王琳謝弘並徵為太子右衛

率事文類聚云袁淑為左衛率謝莊為太子中庶子時南平王獻赤鸚鵡普詔群臣為賦淑文冠當時作賦畢示莊及見莊賦歎江東無我卿當獨秀我若無卿亦一時之傑遂隱其賦

褚翼材藝

徐搞綺豔

晉中興書曰褚翼少失父以材藝堪幹立名肅祖即位徵拜屯騎校尉遷太子左衛率

山堂肆考云東海徐陵父搞為太子左衛率陵及其子儉並為抄撰學士父子東宮恩寵莫比陵儉文並綺豔故時號宮體為後進模範

原邾恢為黃門領

吳隱以博士為

晉中

興書云邾恢為給事黃門侍郎領太子右衛率烈宗以為有蕃伯之望擢為雍州刺史

晉書云吳隱以太學

國子博士為左衛率

裴康裴楷並為名士

石崇孫尹皆其選

也喬潭冀州記云裴原字仲預指字叔則並為名士至太子衛率

山濤啟事云太子左衛率缺石崇孫尹

忠薦有武才文

武皆其選也

太子左右衛率三

增視中丞

唐書官品志云左右衛率各一人位視御史中丞

各置尉

唐書官品志云

左率領果毅統遠立中建寧凌鋒異冠祚德等七營

右率領崇榮永吉崇和細射等四營二率各置尉

身居三職

事文類聚云唐李大亮拜左衛大將軍十七年晉王為皇太子東宮僚屬皆盛選宗臣又

以大亮兼太子右衛率儀兼工部尚書身兼三職宿衛兩宮甚為親信大亮每當直必通宵假寐太宗勞之曰

當公宿直

年甫十六

元史云郝彬字景文年十六充太子宿衛

為左右

我便安卧

廟衛

六典曰凡元正冬至皇太子朝宮臣及諸方使則率衛府之屬以儀仗為左右廟之衛

從

皇太子行

六典曰若皇太子備禮出入則如鹵簿之法以從皇太子行

原舊規中

領護

晉令云左右衛率品第五舊規中領護

主門衛秩千石

如淳注漢書百官儀

云衛率主門衛秩千石續漢百

先民一時儁彥

臧榮緒晉

官表云衛率一人主門衛士

書云徐邈字先民安

茂仲動可觀探

荀氏家傳云悝字茂仲山濤舉

性端雅一時儁彥

泰始分置左右

晉公卿禮秩云晉武置衛

為右衛率清和履正從容顧問動可觀探也

四率精兵萬人

晉制有左右前後四

率令一人泰始分置左右率一人領兵各五千人也

衛 徐邈建元為前衛

晉書云徐邈建元中為太子前衛率

卞郭可式

邊境

晉中興書云卞郭除右衛率時賊侵逼淮泗中宗求可以式遏邊境者公卿舉郭也

將

順匡救拾遺補闕

臧榮緒晉書云徐邈為前衛率在東宮朝夕入見將順匡救拾遺補闕

侍衛威重宜得其才

山濤啟事云左衛率缺侍衛威重宜得其才無疾患者城陽太

守石崇河東太守焦勝清貞信義皆其選也

太子左右司禦率

原杜氏通典曰隋文帝置左右宗衛其官制如左右衛各掌以皇族侍衛煬帝改為左右武侍率唐復為左右宗衛率府龍朔二年改為左右司禦衛後改為率府焉

神龍初復為宗衛景雲二年復為司禦率府置率各一

人所掌與左右衛率同

副率以下職亦同他准此

副率二人長史錄

事及倉兵曹參軍各一人

增續文獻通考曰遼南面

有太子左右司禦率府

金置同遼元明不設

太子左右清道率

原杜氏通典曰隋有左右虞候各置開府一人掌斥候
伺姦非長史以下如左右衛煬帝改開府為左右虞候
并置副率二人唐為左右虞候率府職擬左右金吾龍

朔二年改為左右清道衛神龍初又為虞候率府開元
初為清道率府各置率一人掌斥候道路先驅後殿伺
察姦非副率二人長史錄事及倉兵曹參軍各一人

增文獻通考曰宋至道元年東宮置左清道率府副率
兼左春坊謁者主贊引真宗登位省神宗在東宮復以
郭承慶夏元亨為之登位復省 遼史曰遼有太子左
右清道率府 金元明不設

太子左右監門率一

原杜氏通典曰隋左右監門率各置一人掌諸門禁煬
帝改為監門將軍唐復為左右監門率擬左右監門龍
朔二年改為左右崇掖衛咸亨初復舊垂拱中改為鶴
禁衛神龍初復舊各置率一人掌門禁籍帳副率二人
長史錄事參軍及兵曹二曹參軍各一人 增宋史曰
左右監門官存而無職司 續文獻通考曰遼有太子
左右監門率府金有左右監門掌門衛禁鑰 事文類
聚曰元置各掌門衛禁 明不設

太子左右監門率二

增選才儁士

元史云高麗至元初立燕王為皇太子選才儁士充官屬以觸掌藝文兼領中醢宮

衛監門事又兼作皇太子宮規制之善帝嘉之錫以金幣廐馬宿衛宮中王著等殺阿合馬觸叱衛士捕擒之

改為宮門候

事文類聚云隋文帝置各有直長十人左右監門率各一人煬帝改為宮門候

率屬牙門左右

事文類聚云唐左右監門率府掌東宮禁衛之法凡東宮諸司應以籍入

于宮殿者皆本司具其官爵姓名牒門司門司送于監門監門與判曹印署送于門司門司會之同則聽入凡東宮內外門之守者並司其出入凡財物器用之出入于宮禁者皆以籍傍為據左右監門以出入之若皇太子出入則依鹵簿之法率其屬于牙門之左右以為捍守

太子左右內率一

原杜氏通典曰隋置左右率副率各一人掌領備身以

上

所領千牛以下
與千牛衛同

禁內侍衛供奉兵仗唐為左右內率

府龍朔二年改為左右奉裕衛咸亨初復舊各置率一

人掌侍衛左右供奉兵仗副率長史錄事參軍及兵曹

各一人千牛各十六人掌執細刀弓箭宿衛侍從備身

各二十八人掌宿衛侍從龍朔二年改太子左右千牛

備身為太子左右奉裕尋復舊 增遼史曰遼有太子

左右內率府與禦率府同 金元明不設

太子左右內率二

增旌孝行

備宿衛

唐書云永淳中以雍人元讓為太子右內率府長史旌孝行也讓弱

冠明經擢第以母疾遂不求仕躬親藥膳不出閭里十餘年及母終廬于墓側蓬髮不櫛沐菜食飲水而已咸亨中孝敬監國下令表其門閭至是巡察使奏讓孝悌殊異由是拜職元史云張九思入備宿衛裕皇居東宮一見奇之以父蔭當補外特留不遣江南既平宋庫藏金帛輸內府而分于東宮者多置都總管府以主之九思以工部尚書而兼府事

判諸曹官吏

奉太子弓矢

太平御覽云左

右內率府長史掌判諸曹官吏新唐書云率副率掌千牛供奉之事皇太子生日領千牛升殿射於射宮則

千牛奉弓矢立東階西面率奉弓副率奉矢決拾北面張弓左執弣右執簫以進副率以弓拂矢而進各退立於位既射左內率啟其中否

太子門大夫一

原杜氏通典曰秦有太子門大夫漢因之員二人

漢官儀曰

門大夫選四府掾屬

職比郎將

漢官儀曰安帝時太子謁廟門大夫乘從冠兩梁冠

魏因之

晉太子門大夫准公車令掌通牋表及宮門禁防宋因之梁代視謁者僕射陳因之北齊謂之門大夫坊併統伶官隋煬帝改門大夫為宮門監唐初為宮門大夫今

宮門局有郎二人丞二人郎掌宮門殿門管鑰及啟閉之事丞貳之 增遼史曰遼置宮門局設宮門郎

太子門大夫二

原鼂錯遷博士 金欽舉明經

漢書云鼂錯受尚書伏生所還因上書稱說詔

以為太子舍人門大夫遷博士 漢書云金欽舉明經為太子門大夫

增掌内外管鑰

通遠近牋表

六典曰宮門郎掌内外宮門管鑰之事 凡宮殿門夜漏盡擊漏鼓開夜漏上水

一刻擊漏鼓開每歲終行儺應經所由門並先一刻早開若皇太子不在則開東宮正門其宮城使宿衛人應入宮殿者各於左右廂便門出入至皇太子還仗乃開 晉書云門大夫局准公車令班同中舍人主通遠近

牋表宮門禁防

班同中舍人

職比城門郎

見上晉書唐書云龍朔二年

改門大夫為宮門郎職比城門郎

太子門大夫三

原職比郎將

續漢書下官志云太子門大夫秩六百石職比郎將

擬公車令

又云

太子門大夫職擬公車令

增天悟絕人

新唐書云呂才天悟絕人麟德中為太子司更大夫

並侍左右

新唐書云張暉太宗平內難召暉拜宮門郎與姜皎崔滌李令問王守一薛伯陽等

並侍左右

太子典膳郎

樂藏郎增典食令

內直郎丞附

典設郎

原杜氏通典曰太子典膳郎漢魏以來並有太子食官局至北齊門下坊始別置典膳局有監丞各二人隋如

北齊制唐典膳局有郎二人丞二人郎掌進膳嘗食事

丞貳之

乾封元年皇太子久在內不出典膳丞邢文偉請減膳上啟曰竊見禮大戴曰太子既冠成人

免於師傅之嚴則有司過之史徹膳之宰史之義不得不書過不書則死之宰之義不得不徹膳不徹則死之近代以來未甚談議不常接見三朝之後但與內人獨居何由發揮聖智使濬哲文明者乎今史雖闕官宰當奉職忝備所司不敢逃死謹守禮經遽申減膳其年右史闕宰臣進擬數人高宗曰邢文偉嫌我兒不讀書不肖與肉喫此人甚直可用遂拜焉

藥藏郎北齊門下坊領藥藏局有

監丞各二人侍藥四人隋如北齊之制唐藥藏局有郎
二人丞二人郎掌和劑醫藥之事丞貳之內直郎齊
有太子內直兵局內直兵史二人梁有直內主璽主衣
扶侍等局各置有司以丞其事陳因之北齊門下坊領
殿內局有內直監二人副監一人隋如北齊制唐內直
局有郎二人丞二人掌符璽繖扇几案衣服之事丞貳
之典設郎南齊置居局齊庫丞一人梁齊內局各置
有司以丞其事陳因之北齊門下坊有齊師局有太子

齊師內閣師各二人隋如北齊制唐典設局有郎四人掌凡大祭祀湯沐灑掃鋪陳之事 增事文類聚曰元

置太子典食令典食丞掌侍奉馥饌又掌飲丞各一人

掌奉香藥酒等事

六典曰每夕勾官於厨更直 元史云舒穆魯明里中統初世祖令侍臣送

明里于裕宗令典膳事已而世祖命裕宗令從人十人行賞賜金縹衣一襲

藥藏郎元史

曰元置太子侍藥太子奉藥常承奉醫藥

在門下坊

又置典

醫監領東宮太醫修合供進藥餌達嚕噶齊二員卿三

員丞二員經歷知事各一員

其屬廣濟提舉司一行典藥局一典藥局一

內直郎事文類聚曰元置太子侍正掌冠帶衣服左右給使之事丞隋侍丞輔丞之事

太子旅賁中郎將

原杜氏通典曰旅賁中郎將一人職如虎賁中郎將宋初制天子有虎賁習武訓也諸侯有旅賁禦災害也唐諸率府初有中郎郎將官永徽元年以太子名忠改諸率府中郎將為旅賁郎將其郎將改為翊軍後或改或省

皇太孫官屬

原杜氏通典曰唐永淳元年三月立皇孫重昭為皇太孫將置府僚高宗召吏部郎中王方慶問曰前代故事如何方慶進曰臣按周禮有嫡孫漢魏以來皇太子在亦不立太孫晉惠帝永寧元年立愍懷太子第三子襄陽王尚為皇太孫太子官屬即轉為太孫官屬南齊永明十年文惠立太子長子南郡王昭業為皇太孫便居東宮今皇太子在而立太孫旁求載籍未有前例上曰

自我作古可乎對曰五帝不相沿樂苟不失上下之序
不虧政理之道亦何事而不可詩曰貽厥孫謀以燕翼
子禮曰君子抱孫不抱子孫可以為王父尸以其昭穆
同也今陛下肇建皇孫創斯盛典所以彰子孫千億之
盛福祚靈長之應也上悅使方慶詳求典故官屬員品
乃奏太孫府置師傅友文學祭酒及長史曹掾主簿管
記司錄以下六曹從事等官各加王府一級上後頗以
為疑竟不補授而止 增玉海曰唐天授二年置皇孫

府官 元史曰元至元二十六年皇孫出鎮懷孟帝為

選老成練達舊臣護之乃以屬王倚陛辭帝目之良久

謂侍臣曰倚修潔人也左右皇孫得人矣及行營幕所

在軍政肅然 續文獻通考曰明成祖時命內閣胡廣

等輔導皇長孫永樂九年皇太子命楊榮等侍諸皇孫

讀書文華後殿又傳上命令翰林院吏部官舉老成正

大儒者侍皇太孫講讀尚書蹇義及楊士奇舉侍郎儀

智上喜之令侍太孫講讀

御定淵鑑類函卷九十九

欽定四庫全書薈要卷一萬一千五百四十八

子部

御定淵鑑類彙卷一百

設官部四十

王侯官屬總載 諸王傳 諸王師
諸王相 諸王友 諸王文學

諸王國郎中令 諸王國中尉 諸王國常侍

諸王國侍郎 諸王國典 諸王長史

增王府諮議 王府東西閣祭酒 王府司馬

王府侍讀 王府直講 王府翊善 紀善附

王府記室參軍 王府大小學教授 王府掾

王府官屬雜附

王侯官屬總載一

原杜氏通典曰周制諸侯有上大夫卿下大夫上士中

士下士凡五等

上大夫曰卿

諸侯之大夫不世爵祿公國孤

一人

孔安國注虞書曰公之孤鄭康成周禮云公之孤四命王制曰天子使其大夫監於方伯之國國三

人是為三監使佐方伯領諸侯此殷禮也其祿視諸侯之卿其爵視次國之君其祿取於方伯之地蓋牧國則有之故儀禮燕禮云若有諸公則先卿獻之正義曰言諸者容牧有三監皆以為公也

大國三卿

皆命於天子

命於天子者天子選用之如今詔書除吏也

次國三卿二卿命

於天子一卿命於其君

左傳曰管仲受下卿之禮避天子之二守國高故也明國高是

天子之命卿也

小國三卿一卿命於天子二卿命於其君

王制曰小

國二卿皆命於其君鄭注云誤也正義曰此兼夏殷禮也夏之大國謂公侯也殷大國謂公也依周而言謂立

司徒兼冢宰之事立司馬兼宗伯立司空兼司寇也故
左傳云魯季孫為司徒叔孫為司馬孟孫為司空此三
卿也以此推之則知諸侯不立冢宰宗伯司寇按崔氏
云魯已有孟叔季三卿為政而更有臧氏及孔子並為
司寇則皆每國下大夫五人上士二十七人周禮五等
小司寇也

五大夫二十七士皆與此同但公國長有四命孤一人
其卿三命大夫再命侯伯之卿大夫亦如之子男之卿

再命其大夫一
命其士不命

大國之卿不過三命下卿再命小國之

卿與大夫一命

不言次國者以大國之下互明之也此卿命則異大夫皆同

次國之

上卿位當大國之中中當其下下當其上大夫小國之
上卿位當大國之下卿中當其上大夫下當其下大夫

此諸侯使卿大夫類聘並會之序也
其位爵同小國在下爵異固在上耳
至於周衰諸侯失

制號令自巳其名不一於是正卿當國謂之相而楚謂

之令尹其他異同難悉數矣

孫卿子曰孫叔敖曰吾三

施愈博位滋尊而禮愈恭

史記曰楚民俗好庖車王

以為不便焉欲下令使高之叔敖曰令數下民不知所

從王必欲高車臣請教閭里使高其相王許之居半載

民悉自高其車此不教而民從其化故三得相而不喜

知其才自得之三去相而不悔知非已之罪淮南子

曰遂伯玉為相子貢問何以理國曰不理理之又曰

子產為鄭國相一年豎子不戲狎班白不提挈童子不

犂畔二年市不貳賈三年門不夜關道不拾遺四年田

器不歸五年土無尺籍又孔子攝行魯相事有喜色

乃誅大夫亂政者少正卯與聞國政三月鬻羔豚者弗

飾賈男女行者別于塗塗不拾遺四方之客至于邑者
不求有司皆予之以歸又公儀休為魯相奉法順理
無所愛更百官自正使食祿者不得與民下爭利受大
者不得取小客有遺相魚者不受客曰聞君嗜魚何故
不受相曰以嗜魚故不受也食茹而美拔其園葵而棄
之見家織布好而逐出其婦燭其機曰欲令農夫女工
安所售其貨乎

漢制凡諸侯王官其傅為太傅相為丞相又

有御史大夫諸卿皆秩二千石百官皆如漢朝漢朝惟
為置丞相其御史大夫以下皆自置之及七國作亂之
後景帝懲之遂令諸侯王不得治民令內史治之改丞
相曰相省御史大夫廷尉少府宗正博士官武帝改漢

內史中尉郎中令之名

內史為京兆尹中尉為執金吾郎中令為光祿勳

而王

國如故員職皆不得自置漢初王國有傅

掌輔導王初曰太傅後除

太相

本統眾官後省內史而相理民如郡太守

內史

治國

中尉

掌武事

郎中令

秩千石

僕

本曰太僕改曰僕墨綬

文學

宋志云前漢王國已置文學

大司農衛

士長

太倉長

齊善醫淳于意為之

列侯國亦有相

改所食國令長為之漢

初侯王有丞相兼有相國按史記周勃省之

餘略與王

國同成帝鴻嘉三年詔七太夫以上皆令食邑

秦本制列侯乃

得食邑七大夫即公大夫

非七大夫以下皆復其身及戶物事

一戶之內

皆不
徭賦

是歲又令吏民得買爵賈級千錢

賈讀
曰價

後漢王

國有傳

如師不臣
二千石

相

內史

如郡丞

中尉

郎中令

掌五
大夫

郎中宿衛官
如光祿勳

僕

主車馬

持書

奉使至
京都

謁者

禮樂長

衛

士長

醫工長

永巷長

祠祀長

郎中

其紹封

削誅者中尉內史官屬隨亦率減列侯國置相

其秩各
如本縣

主治民如令長不臣也但
納租于侯以戶數為限

其官隨國大小為增減食邑

千戶以上置家丞庶子各一人

此家臣也
使理家事

不滿千戶則

不置家丞舊置行人洗馬門大夫等官又悉省

魏制

王國有保 傅相 常侍 侍郎 郎中令 中尉

大農 文學 友 謁者大夫 諸雜署令 丞

晉制王國更置戶邑皆中尉領兵皆自選其文武官

齊晉

王攸以當時王家人衣食皆出自御府乃表租秩足自供遂求絕之

東晉王國有傳

友 武帝初置一人蓋因文王仲尼四友之名

典書令丞

文學

一人郎中令

中尉

大農

為三卿

左右常侍

大國各二人次國各一人掌贊相獻替

內史

改太守為內史又晉書曰改國相為內史將軍

大國上中下三將軍領兵五千人次國上下二將軍各一

人領兵三千人小國一軍領兵二千人

典祠典衛學官令治書中尉司馬

世子庶子陵廟牧長謁者中大夫舍人典府等其後省

相及僕省郎中置侍郎二人公侯以下國官屬遞減

晉書

曰詔以壽光公鄭沖及朗陵公何曾國皆置郎中令

又曰元帝初渡江即晉王位諸參軍奉車都尉掾屬者

百餘人時人謂之百六掾

宋制大小國皆有三軍自明帝以後皇

子皇弟雖非都督亦置記室參軍小號將軍為大郡邊

守置佐吏者又不置長史餘則同晉王國有師

改傳為之

自

內史相記室以下官多與晉同

孔頴有辭記室參軍箋曰記室之要須通才敏

思性情鎮密者為之

凡郡縣內史相並於國主稱臣去任便止孝

武帝孝建中始革此制不得追敬不得稱臣止宜云下

官而已 齊制王國有師

諮議

張岱字景山歷臨海章郡晉安三王府諮

議三王行事事舉而情得

文學等官公侯置郎中令一人卿餘與晉

宋同 梁制王國置傅相

公以下則臺各為選置之皆掌知百姓事

郎中令

將軍常侍典書令典衛長

伯子無典衛

典祠以下自選備上

諸官多同前代若王加將軍開府則置長子司馬及記

室掾屬祭酒主簿錄事等官屬嗣王則唯置郎中令中

尉常侍大農藩王則無常侍制與後漢同 陳制皇弟

皇子府置師長史司馬從事中郎諮議參軍友掾屬記
室等官其嗣王藩王府則遞減之王國置郎中令將軍
常侍典祠令舍人等官其嗣王藩王則遞減其員諸王公參
佐等官仍為清濁或為選司補用亦有府樂牒拜授者
不拘年限去留隨意在府之日唯賓遊宴賞時復循從
更無餘事若隨府王在州其寮佐等或亦得預催督若
其驅使便有職務其衣冠子弟多自脩立非氣類者唯
利是求暴物亂政皆此之類後魏諸王侯亦各有師友文學侍郎

掾屬舍人等官

時王國舍人應取八族及清脩之門咸陽王禧乃取任城王歸戶為之源為孝

文所責

北齊諸王置師一人餘官大抵與晉宋梁制不

異 後周皇弟皇子置友及學士等員外餘吏闕聞

隋制親王置師友文學長史司馬諮議掾主簿錄事功

曹記室戶曹兵騎法士等曹參軍東西閣祭酒參軍事

典籤等員嗣王則無師友

諸王公以下置官屬各遞減

煬帝更名王

府參軍為諸司佐屬參軍則直以屬國為名改國令為

家令餘以國為名者皆去之

唐制親王府各置官屬

凡府官國官王未出閣者不置

領親事帳內二府及國官員觀十六年

制王府官以四考為限

高宗時滕王元嬰江王元詳蔣王揮虢王鳳俱以貪暴為吏人

所患有授其府官者皆比嶺外荒裔為
之語曰寧向儋崖象白不事江滕蔣驥
嗣聖二年初置

公府官員武后天授二年又置王孫官員親王府置傅

一人師範輔導參議可否初置諮議參軍一人匡正幕

庶友一人陪隨左右拾遺補闕文學二人脩撰文章東西閣祭酒

各一人接引賓客長史司馬各一人通判功屬

一人通判兵騎法士四曹主簿一人覆省記室參軍二人掌表啓

行教錄事參軍一人受事功曹倉曹戶曹兵曹法曹士

曹等參軍各一人各有參軍二人行參軍四人掌出使

校典籤二人

宣傳教命

親事府置典軍副典軍各二人

掌守衛陪

從執仗親事

執弓刀衛從

執乘親事各十六人

供進騎乘

親事三

百三十三人帳內府置典軍副典軍各三人

掌儀衛陪從兼知鞍

馬等帳內六百六十七人親王國

施行公文準等署式嗣王以下府準此

國

令一人大農二人

通判國司

尉二人

分判

丞一人

監印

稽

小吏有

差若府主薨則諸府佐親事帳內過葬追退

雖無妻子亦準此

其國官聽終喪

若有襲爵者聽其迴事

增事文類聚曰宋王府

師傅係以兼官為之而無定員又有翊善直講贊讀記

室及諸王宮大小教授等官 遼史曰遼王傳府置王

傅親王內史府置內史長史參軍諸王文學館置諸王

教授諸王伴讀又有王子院掌王子各帳之事置王子

太師王子太保王子司徒王子司空王子班郎君又有

王府近侍王府祗候親王祗應司 金史曰金親王府

屬官傳 若親王在外亦 同知府尉本府長史 明昌三年

侍從兼總統 司馬 同檢校門禁 文學二人 掌贊導禮義

本府之事 記室參軍 掌表牋書啓之事大定七年始 元史曰元

止置傳府尉司馬文學記室參軍 大明會典曰明親

王府長史司左右長史典簿審理所正副典膳所正副
奉祠所正副典樂典寶所正副已上俱各一員紀善所
紀善三員良醫所正副典醫所正副已上俱各一員伴
讀一員教授一員引禮舍人三員工正所正副一員各
倉庫大副使一員郡王府教授典膳建文更定官制至
永樂初俱改正從洪武之舊

王侯官屬總載二

增大山

西邸

翰苑新書云淮南王安好書招致賓客數千人八公之徒感慕其德各竭材智

著述篇章分其詞賦以類相次或稱大山小山猶詩有大雅小雅也山堂肆考云竟陵王子良開西邸招文

學沈約蕭琛王融謝朓陸倕范雲任昉等遊號稱得人又事文類聚云子良開西邸王僧孺虞羲丘國賓蕭文

瑛丘令楷江洪劉孝孫並以善辭藻游焉

子鸞府

竟陵邸

翰苑新書云宋武帝時殷

淑儀寵傾後宮子始平王子鸞愛冠諸子凡為上盼遇者莫不入子鸞府下見上

文學館

資善堂

新唐書諸亮傳云初武德四年太宗為天策上將軍宮城西作文學館以文行臺司勳郎中杜

如晦記室考功郎中房玄齡及于志寧軍諮祭酒蘇世長天策府記室薛收文學褚亮姚思廉太學博士陸德

明孔穎達主簿李玄道天策詹曹參軍事李守素王府記室參軍事虞世南參軍事蔡允恭顏相時著作郎攝

記室許敬宗薛元敬太學助教蓋文達軍諮典籤蘇勗
並以本官為學士七年收卒復召東虞州錄事參軍劉
考孫補之號十八學士藏之書府以章禮賢之重方是
時在選中者天下所慕向謂之登瀛洲記纂淵海云
紹興五年初置以命朱子開范元長時孝宗以建國公
就傳故也要機為資善小學教授時皇太子為惠國公
日陳正言正道又以屢朝事親倚身治國愛民四事手
書以獻置之左右朝夕觀省孝宗出閣就第而信王幼
亦命近臣踵為之開禧元年七月皇子初封榮王命程
少逸左史兼贊讀少逸以祖諱辭乃命軍器監趙子中
夢極兼領其不稱王府而以背善繫銜以未出閣也
遂留王府給事潛邸史
云郁經憲宗三年世祖以皇弟開邸金蓮川召經諮以
經國安民之道條上數十事大悅遂留王府又云程
思廉給事裕宗
潛邸以謹愼聞
留居藩府
曳裾王門
元史云譚澄
世祖在潛邸

時澄入見嘉其容止安詳留居藩府稱其官而不名
景苑云吳王濞陰有邪謀鄒陽上書諫之曰臣何王之

門不可曳
長裾乎

清切藩房

雍容王府

合璧事類云清切
藩房寂寥舊蹕出

謝朓牋 景苑云談經王府
揮玉塵以雍容出淇水制

元之高選

君實重名

合璧事類云睽彼藩邸高選經佐出除姚元之制 山
堂肆考云宋仁宗諭執政曰延安郡王出閣當議官僚

執政對曰司馬光有重名宜為郡王
羽翼如呂公著孫覺皆可以任之

安用舞靴 諫

習鞠戲

又云宋仁宗就邸英宗命韓魏公擇官僚公薦
用王陶韓維等一日內侍以宮樣靴進維曰王

安用舞靴神宗亟令毀之 又云宋陳俊卿在普安郡
王邸一日王習球鞠之戲公取韓愈諫張建封書以諷

王王即為誦全文不遺一字公退而
喜曰王聰明而樂諫社稷之福也

王侯官屬總裁三

增秦王友

平海云秦王有友于志寧諾議實綸蕭景記
室房玄齡虞世南唐皎顏思魯文學姚思廉

褚亮兵曹杜如晦鍾曹褚遂良士曹戴胄閣立德參
軍事薛元敬蔡允恭主簿薛收李玄道典籤蘇幹

選賢才

新唐書云孫伏伽武德初言曰皇太子諸王
左右執事不可不擇願選賢才澄僚友之選

東賢者

又云褚遂良授秦王府鎭曹參軍太宗謂遂良
曰自古宗姓無良則傾敗相仍公等為我東賢

者保
傳之

以宰相兼

玉海云高宗中宗時相王府長史以
宰相兼之姚崇以鳳閣侍郎韋安石

以中書令魏雍衛
王府以尚書兼之

資望愈下

又徐韓二王為刺史府
官同外官資望愈下永

淳以前王未出閣則不開府元宗
諸子不出閣王官益輕而名亦減

直秦王府

新唐書
云杜正

倫太宗素知名表
直秦王府文學館

授諸王經

又云吳通玄父道瑱以道士詔授太子諸王經

故通玄等皆得侍太子游太子待之甚善

申白入楚

鄒枚游梁

申穆

重名 應徐洪藻

王海

出綽中宸

橫經宗郎

種學

績文久想鳳儀之舉

橫經教授將成麟趾之風

沛

易楚詩稔聽師資之訓

文昭武穆宜多信厚之風

高帝子孫固有殊人之龍種

梁王賓客豈徒授簡於

兔園 茂仙源之玉葉政藉師資侍講席於金華更觀

盛舉

諸王傳一

原是儀盡忠

賈誼哭泣

吳志云是儀北海營陵人南
魯二宮初立儀以本職領魯

王傳嫌二宮相近切乃上疏以二宮宜有降殺正上下
之序書三四上為傳盡忠動輒規諫 史記曰賈誼為
梁懷王太傅王墮馬死無後賈生
自傷為傳無狀哭泣歲餘亦死

增轅固廉直

杜

林守慎

山堂肆考云漢轅固齊人也治詩景帝時以廉
直拜清河王傅 事文類聚云後漢皇太子彊

求乞自退封東海王故重選官屬以杜林為傅從駕南
巡狩時諸王傳數被引命或多交游不得應詔惟林守
慎有召必至持授賞賜

謹選師傅

亦有學業

玉海云文

又辭不受帝益重之

宗將立魯王為太子謹選師傅庾敬休以戶侍為燕王
傅又陸德明以經授中山王狄兼暮為益王傅 唐書

云丘悅河南人亦有學業景龍中為相王府掾與文學
韋利器典籤裴耀卿俱為王府直學士睿宗在藩甚重
之官至
岐王傳

原漢文思賈誼 漢武重始昌

漢書云賈誼為長沙王太

傅後歲餘文帝思誼徵之至入見上方受釐坐宣室因
問鬼神事誼具答至夜半文帝前席既罷曰吾久不見
賈生自以為過之今不及也乃拜誼為梁懷王太傅
又云夏侯始昌通五經以齊詩尚書教授自董仲舒韓
嬰死後武帝得始昌甚重之始昌明於陰陽先言柏梁
臺災日至期果災時昌邑王以少子愛上為選師始昌
為太
傅

諸王傳二

原改名太傅

續漢書百官志云王傳一人秩二千石漢初立成帝改名太傅

避諱曰

傅

傳即師也避景帝諱故曰
傳武帝初置亦謂之師

增以謙自隨

元史云李謙字受益

世宗命傅成宗於藩邸所至以謙自隨

獻正心圖

獻徵錄云桂彥良洪武十一年授晉王府

右傳上親製語文以賜之彥良以為輔導之職莫先於格心乃製正心圖以獻晉王

宜進秩於

高位俾升榮於近傳

俱孫遜授殷彥方王傳等制

擇才以佐諸

郎選士以列東朝

元稹授薛昌朝絳王傅制

兼八座以傳子愛

子亞九卿而立我明庭

薛廷珪授郭保嗣德王傅制

增詩元黃潛送內史府孫知事還京詩曰春風朱郎雪

初消野宿貌貅靜不驕綠水芙蓉分上幕青雲驤褭度

輕輶龍庭會祭包茅貢豹尾宸居佩玉朝下土微臣今
老矣淹留敢望小山招

增制唐薛廷珪授太子賓客王牘等諸王傳制曰敕具
官王牘等朕聞王者之子在襁褓中置二公以教訓之
由古道也今丞相言爾牘等並老於文學雅有德行明
君臣父子之道知禮樂詩書之源可使高步承華入參
望苑琢磨羽翼朕有冀焉或授正卿或加峻級宜旌優
異往傳童蒙

諸王師一

增講孝經

居師道

孔帖云趙洪智入為陳王師講孝經百福殿舉五孝為王誦之

堂肆考云唐太宗以王珪為魏王泰師謂泰曰汝事珪當如事我泰見珪輒先拜珪亦以師道自居

原

劉寔以祭酒遷

阮孚以尚書領

晉書云遷為廣陵王師晉書云阮孚字

遙集為吏部領東郡王師

諸王師二

原晉武初置

晉武初王國有師避景帝諱故曰傅

三百篇諫

漢書曰王式字翁思

為昌邑王師昭帝崩昌邑王嗣位以行淫亂廢昌邑羣臣皆下獄式亦繫獄當死治事使者責問曰師何以亡

諫書式對曰臣以詩三百五篇朝夕授王忠臣孝子之篇為王反覆誦之危亡失道之君未嘗不流涕為王深陳臣以三百五篇諫是以無諫書使者以聞亦得減死論

王楙為燕王師

山公啓事曰王

楙為燕

王琨為武陵師

齊王琨為武陵王師時王儉為宰相屬琨用東海迎吏琨

王師

使謂之曰語郎三臺五省皆是郎用人外方小郡當乞寒賤者官何容復奪之遂不果其事

增為

蜀王師

玉海云蓋文達為蜀王師

劉淳為世子師

獻徵錄云劉淳字文中周藩闕

東書堂延訪耆宿為世子師禮聘就塾每進講必先忠孝禮義俾王遠聲色貨利以無干訓典世子庶子守先王之誨咸知檢飭無驕縱氣

增制梁沈約授王績蔡約王師制曰具官王績華宗冠

胃器質詳和蔡約清源素範體業倫正訓茲藩國僉議
攸在 唐蘇頲授柳沖兼溫王師制曰具官柳沖族茂
汾鼎價珍垂璧雅負通才備聞遺訓探六經之奧如叩
鴻鐘窮百氏之源若披明鏡挾輿切問侍從增榮擁篲
崇儒師資佇德

諸王相一

原閉閣自責

行縣講經

東觀漢記曰吳祐字季英陳留人遷膠東相政惟仁簡以

身率物民有相爭訴者輒閉閣自責或身到閤里重相
和解自是爭隙省息吏民不欺 後漢刁曜字子榮為

魯相行縣三老執轡學官處士皆乘牛馬隨後所損亭傳輒講經

教授不廢 恩威

並行

北堂書鈔曰魯平字叔陵拜趙相為政尚寬惠禮讓雖居官不廢教授門人常有數百關東號曰五

經復興魯叔陵謝承後漢書曰刁曜還魯相脩德化法教以厲風俗威恩並行也

齊國安集

郡界肅然

史記曰曹參相齊聞膠西有蓋公善治著黃老言乃厚請之蓋公曰治道貴清淨清

淨民自定參用其術齊國安集魏志云武帝為濟南相國有十縣長吏多阿附貴戚盛行狼籍於是奏免其八禁斷淫祀姦宄

客不忍刺

民不忍欺

蜀志云劉備領平原

相郡民劉平素輕先主恥為之下使客刺之客不忍刺語之而去後漢吳祐遷膠東相民有訟先令三老以孝

悌喻解祐身至閭里和之民不忍欺

民皆樂業

民用溫給

史孫叔敖為楚相秋

冬勸人入山採木春夏泉水多時而出材竹民皆樂業
後漢書曰張禹遷下邳相徐縣北界有蒲陽陂傍多
良田而墾廢莫脩禹為開水門通引灌溉遂成墾田數
百頃勸率吏民假與種糧遂大收都鄙貧者歸之千餘
戶室廬相屬其下成市後歲
至墾田千餘頃民用溫給

增王聞其賢帝望而

歎山堂肆考云漢武帝善廣川董仲舒對策以為江都
王相仲舒以禮匡正王敬重焉後又相膠西王素聞

其賢亦善待之仲舒兩事驕王皆正身率下所居稱治
晉書云阮仲遠平原相時襄邑衛京自南陽太守遷

於河內與仲俱拜帝望而歎
曰二千石皆若此朕何憂乎
一人入宴
十策進王

新唐書云楊琮與秦王同里居武德初隱太子事平詔
親王宰相一人入宴而琮獨預太宗賜懷昔賦中以恩

意元史云商挺世祖中統九年封皇子忙阿剌為安
西王立王相府以挺為王相挺進十策於王置酒嘉納

賚賜有加 獎諭甚至

又云趙炳安西王相王府冬居京北夏徙六盤山王北伐

六盤守者構亂炳自京北率兵往捕元惡授首王還嘉賞戰功賚賜有加 獻徵錄云李質洪武八年為靖江王府右相有敕獎諭甚至嘗歸省先隴王親揮翰賦詩以賜復命官屬宴餞江許人以為榮

諸王相二

原以清亮稱

宋忠為沛相乘輦車以清亮稱

以儉化俗

謝承後漢書東郡趙咨為

東海相人遺其雙枯魚噉之二歲不盡以儉化俗

乘驢到郡

晉書曰初文帝輔魏政阮籍常

言於帝曰平生曾遊東平樂其風土帝大悅即拜東平相籍乘驢到郡壞府舍屏障使內外相望法令清簡旬

日而

捐俸給民

會稽典錄曰駱俊宇孝達靈帝擢拜陳相汝南葛陂盜賊並起陳與接境

還

四面受敵後厲吏民為之保障發倉以贍貧民鄰郡士庶咸往歸之身捐俸祿給其衣食民有產子常執主者厚致米肉生男女者輒以駱為名

生男名吳

謝承後漢書云吳祐遷膠東相有男子毋丘長

與母俱行市道遇醉客辱其母長遂殺之追捕長祐問長有子乎曰有妻未有子召長妻至獄解桎梏使同宿遂孕至冬行刑長齧指斷含血誓若生男名吳生以報吳君也

生樹遂茂

東觀漢記云韋順轉

東平相賞罰必信有柿樹生廳屋上徙

石慶立石相

史記曰石慶為齊相舉國皆慕其家祠行不言而齊國大治為立石相祠也

孔融殺部督

郵

九州春秋曰孔融為北海相一朝殺部督郵

趙君時人所貴

後漢書曰趙咨應召

拜東海相之官道經滎陽令燉煌曹嵩咨之故孝廉也迎路謁候咨不為留嵩送至亭水次望塵不及謂主簿

曰趙君名重今過界不見必為天下笑即棄印綬
立追東海謁告畢辭歸家其為時人所貴若此

畢

諶孝於其親

魏志曰初曹公為兗州以東平畢諶為別駕張邈叛劫諶父母妻子公遣之曰卿

老母在彼可去諶頓首無貳心公嘉之為之流涕既出
遂亡歸及邈敗生得諶眾為諶懼公曰夫人孝於其親
者豈不亦忠於君乎以為魯相
王歆之荅歌
宋劉邕嗣封南康侯河
國素輕邕後俱元會邕性嗜酒謂歆之曰卿昔嘗具臣
今不能勸一杯酒乎歆之效孫皓歌荅之曰昔與汝作
臣今與汝比肩既不
勸汝酒亦不願汝年

諸王友一

增霍府二賢

淮南二公

山堂肆考云唐郎餘令鄭州人擢進士第授霍王府參軍

從父知年亦為王友元軌曰郎家二賢皆入府
不意培塿而松柏為鄰也見王侯官屬二

目為

長者待以客禮

記纂淵海云大中祥符九年以張士
遜崔遵度並充壽春郡王府賓友時

王將受經擇耆德有學術者為府官士遜時為河北轉
運使推素清謹遵度有士行搢紳目為長者即召士遜
等並命焉元史云姚樞字公茂世祖在潛即召樞至
大喜待以客禮詢及治道乃為書數千言陳之世祖奇
其才動必召問且使授世子經

茂秦稱先生

孝孺稱正學

列朝詩集云謝

榛字茂秦眇一目寓居鄴下趙康王賓禮之秦晉諸藩
爭延致河南北皆稱謝榛先生又云蜀獻王之國初
即聘漢中教授方孝孺為世子傳待以賓師之
禮名其讀書之齋曰正學方正學之稱自此始

更列

曳裾之寵

宜在從車之列

白居易授蕭仲穎鄆王友
制孫邈授王積薪慶王

友制

諸王友二

原會稽王友

晉中興書曰謝尚字仁祖司徒左西屬為會稽王友

南陽王友

公山

啓事曰近啓脩武令劉訥補南陽王友訥才志內外非稱臣以為宜蒙此者是以啓及不審固可用不

除滕王友

北史曰蕭大圓除滕王通友通嘗問大圓曰吾聞湘東王作梁史有之乎對曰言之者妄

耳如使有之亦不足怪昔漢明帝為世祖紀章帝為顯宗紀殷鑒不遠足為成例且君子過如日月之蝕彰於四海安得而隱之如有不彰亦安得不隱蓋子為父隱直在其中諱國之惡抑有禮也

以浩為

友

殷浩別傳曰會稽王少著名譽以浩為友

增郝處俊轉滕王友

孔帖云郝處俊

再轉滕王友訛為

王府屬棄官去

增制唐白居易授賀蘭忠肅郊王友制曰具官賀蘭忠肅緒業勲華藝能通敏頃陪賓友已光侍楚之名更復班資載允從梁之望

諸王文學一

增並善辭藻 不取貴游

上見王侯官屬二山堂肆考云齊衡陽王好學善屬文

武帝謂王儉曰衡陽王雖有文學當使華實相稱今選師傳不得止取貴游子弟而已乃以太子舍人蕭敷為

文學 裴矩有智數 褚亮預秘謀 新唐書云裴矩有文藻智數補齊高平王

文學 又云諸亮秦王授王府文學王每征伐亮在軍中常預祕謀有裨輔之益

諸王文學二

原責讓文學

魏志曰中山恭王叅每讀書文學左右常恐以精力為病數諫不止文學防輔相與

言曰受詔察王舉錯有過當奏及有善亦宜以聞遂共表稱陳叅聞大驚責讓文學曰脩身自守常人之行而

諸君乃以上聞適增其負累也

臨淄文學

晉書鄭叅傳云魏武帝初封諸子為侯精選賓友叅

與徐幹俱為

吳王文學

晉書云褚叅字季野譙國桓吳見而目之曰季野有皮裏

臨淄文學

陽秋謝安亦雅重之恒云叅雖不言而四

齊王文學

時之氣亦備初辟西陽王掾吳王文學

晉諸公贊曰扶風王駿年八歲聰明善詩賦中表奇之魏烈祖即以為齊王芳之文學

表置文

學

齊永明元年竟陵王子良表置文學官

增李湛六歲授

新唐書李湛沈厚有度六

歲授周

王文學

立道佩銀符

元史云張立道皇子忽哥赤封雲南王詔以立道為王府文學

立道勸王務農以厚民即署立道大理等處勸農官兼領屯田事佩銀符

增詩元編脩廼賢送劉碧溪之遼陽國王府文學詩曰

松亭嶺上雪霏霏五月行人尚袂衣日暮草根黃鼠出
雨晴沙際白翎飛名王禮幣來青海弟子絃歌近絳帷
太乙終憐劉向苦高車駟馬遲君歸

諸王國郎中令一

原秩千石

乘六傳

續漢書曰皇子封王其郡為國每國置郎中令一人秩千石按郎中

宿衛官也

漢書曰周勃等共誅諸呂迎代王郎中令張武等乘六傳詣長安

隗禧儒者

顧榮秀望

魏略云隗禧少好學為譙王郎中令王宿聞其儒者常虛心從學禧亦敬恭以授王由是

大得賜遺

晉中興書曰顧榮時在洛者唯陸機陸雲

及榮三人機雲雖有才藻不及榮也上以榮南土秀望

補吳王

郎中令

諸王國郎中令二

原令善媿人

漢書曰龔遂字少卿山陽人也以明經為官至昌邑郎中令事王賀賀動作多不正

遂為人忠厚剛毅有大節內諫諍於王外責傳相引經義陳禍福至於涕泣蹇蹇忘已面刺王過王至掩耳起

走曰郎中

令善媿人

吾得其人

沈約宋書曰宋國初建當置郎中令高祖難其人謂傅亮曰今

用郎中令不可減袁曜卿也既而

曰吾得其人矣乃以王惠居之

原詩晉潘尼贈吳王郎中令陸士衡詩曰東南之美曩

惟延州顯允陸生於今鮮

一作

儔振鱗南海濯翼洪流

婆婆翰林容與墳丘玉以瑜潤隨以光融乃漸上京羽

儀諸宮玩爾清藻味爾芳風泳之彌廣挹之彌沖崑山

何有有瑤有珉及爾同僚具惟近臣予涉素秋子登青

春媿無老成廁彼日新祁祁大邦惟桑與梓穆穆伊人

南國之紀帝曰爾諧惟王卿士俯僂從命奚恤奚喜
增表晉陸機詣吳王表曰臣本吳人靖居海隅朝廷欲
抽引遠人綏慰遐外故太傅取辟殿下東到淮南發詔
以臣為郎中令

諸王國中尉一

原主盜賊 戒子孫

後漢書百官志注曰中尉職如郡都尉主盜賊漢書曰王吉為昌

邑中尉以數諫王得減死髡戒子孫毋為王國吏及子駸遷趙內史棄官

王甚憚焉 太

子不悅

邵氏家傳曰邵弘為中尉其為人方嚴不厲而威王甚憚焉魏志曰魏國既建楊俊遷中尉

太祖征漢中魏諷反於鄴俊自劾詣行在所俊以身方
罪免賤辭太子太子不悅曰楊中尉便去何太高遠也

增當時稍遷 漢高初置

漢書曰鄭當時字莊陳人也稍遷為魯中尉 漢書

曰高帝初置

中尉掌武職

分判國司

總統府事

事文類聚云唐置二人正九品

下掌分判國司事宋無其官

又云元置府尉

原王

從五品掌警嚴侍從檢校門禁總統府中事

子陽賢良

韋玄成禮讓

漢書曰王吉字子陽少好學明經舉賢良為昌邑王中尉

王好游獵驅馳國中動作無節吉數諫

又韋玄成傳

云初宣帝寵姬張婕妤男淮陽憲王好政事通法律上

奇其才有意欲以為嗣然因太子起於細微又早失母

故不忍也久之上欲感風憲王輔以禮讓之臣乃召拜

玄成為淮

陽中尉

宋昌曰代王仁賢

常麗曰王身恭儉

又曰

高后崩諸呂謀為亂丞相陳平等共誅之謀立代王中尉宋昌曰大王又長賢聖仁孝聞於天下故大臣因天下之心而欲迎立大王大王勿疑漢常麗為河間獻王中尉王薨常麗以聞曰王身端行治溫仁恭儉

諸王國中尉二

原如郡都尉

漢書百官公卿表云成帝綬和元年以中尉如郡都尉

比二千石

續漢書百官志云皇子封王其郡為國置中尉一人比二千石

以禦非常

後漢百官表云武帝

太初元年改中尉更名執金吾以禦非常

司執姦邪

韋曜辨釋名曰執金吾大中尉掌徵官外

司執姦邪

公孫初見賜金

漢書曰梁孝王招延四方豪傑齊人公孫詭多奇計初見日王

賜千金官至中尉號曰公孫將軍

邵弘不媿屋漏

邵氏家傳云邵弘字德裕為琅邪王

中尉王嘗候君晝息身隨使者潛至君舍令使者進曰
王有命君徐理髮冠履俯伏盡禮然後讀之王與使者
羣立瞻聽為之歎息曰古人稱不媿於屋漏其惟邵中
尉乎王忻晏言語晝夜無休君乃上書諫王王讀三四
瞿然失色謂左右曰思邵中尉之言使人於今毛豎
徐偃為膠西中尉其治官民皆有廉節
史記曰魯
為博士者十餘人孔安國至臨淮太守
申公弟子
徐偃為膠西中尉其治官民皆有廉節
史記曰魯
異漢書曰韋玄成為淮陽中尉與太守蕭
望之及五經諸儒講論同異於石渠閣

諸王國常侍一

原州舉秀才 狀出郡倅

晉書曰甘卓字季思郡命主簿功曹察孝廉州舉秀才為

吳王常侍 陸雲嘲褚季野云前為
臨川丞後為常侍狀出郡倅故嘲焉

玄成講論同

諸王國常侍二

原龔舍聘為常侍

漢書龔舍傳云楚王入朝聞舍高名聘為常侍不得已隨王歸國

虞預轉為常侍

晉中興書會稽虞錄云預有學有才轉琅邪王常侍

贊相威儀

獻納臧否

晉起居注云成帝延寧三年大國置左右常侍贊相威儀獻納臧否

諸王國侍郎一

原王鑒文筆

孫秀校才

晉書曰王鑒少以文筆著稱初為元帝琅邪王侍中孫

盛晉陽秋云孫秀為趙王倫侍郎劉弘為琅邪內史廉秀於倫遂為所信弘謂人曰孫秀校才其志難滿

諸王國侍郎二

原通傳教令

晉百官表注云侍郎朝服武冠贊相威儀通傳教令大國置四人小國置二人

趙定鼓瑟

桓譚新論曰宣帝元康神爵之間丞相奏能鼓雅瑟者渤海趙定梁國龍德召見溫室拜

為侍郎

與諸子遊

魏略云司馬宣王為侍郎應令與諸子遊

諸王國典一

增鄧王稱相如 府中號學直

合璧事類云唐盧照鄰調鄧王府典籤王曰此

吾之相如 王海云裴曜卿為相王府典籤與掾丘悅文學韋利器更直衛顧問府中號曰學直

諸王國典二

原改為治書

職官錄云漢制典書本曰尚書改為治書國諱又改為典書

掌國教

令晉起居注云晉武置典書令掌國教令

典衛王宮

又云晉武置學官令主貢舉秀異典

衛王

詔選典令

又云太康二年齊王攸國相上長史闕典書令請求差選攸下令曰官人

叙才皆朝廷之事非國所宜裁也其令自上請之

增明經高第

新唐書云唐休璟舉明經

高第為吳王府典籤

諸王長史一

原傾郗酬接

治身清肅

晉書曰劉輿為魏郡太守東海王越將召之或曰輿猶臆

也近則汙人及至越疑而御之輿密視天下兵簿倉庫牛馬器械水陸之形皆默識之是時軍國多事每會議輿既見越應機辨畫越傾郗酬接即以為左長史齊書曰陸慧曉為晉熙王冠軍長史慧曉歷輔王政治身

清肅僚佐以下造請起送之或謂慧曉曰長史貴重不宜妄自謙屈答曰我性惡人無禮不容不以禮處人

增隨事匡正

悉為箴銘

獻徵錄云董琰為趙王府長史恭謹小心隨事匡正

不為苟容

又云劉淳為周藩右長史數有論諫雖為行燕閒弗忘規諷如中和亭熙春堂蘭雪軒虛白齋悉

為箴銘欲王

趙董極選

梁越交賢

又云趙季通為趙府左長史董

知所警惕

莊簡為右長史兩人同心輔導當時親王輔導之良蓋趙董為極選云又云宋子環為梁府右長史小心恭

恪王敬禮之改越府右長史凡持已處事如在梁府一府賢之

兼六府事

進四門

箴

又云劉璟谷王年十三將封宣府上謂侍臣曰谷王年少羽翼無人奈何諸大臣奏曰輔幼藩非忠勇敢

直不能闔門使劉璟其人也上領之即日授谷王長史教提調肅遼慶寧燕趙六王府事又云蕭用道為靖

江王府右長史從王之國桂林作
端禮體仁遵義廣智四門歲以進

梁溥介直 周積

溫

又云梁溥為秦府右長史臨事介直自王以下咸
敬信 又云周積為德府長史矢心輔導每進講

色溫氣和

獻詩寓規

進賦寓諷

又云張景明為興
府左長史袁宗阜

啓沃良多

為右長史景明獻為善最樂詩以寓規諷 又云吳祿

為荆府左長史改徽府兩輔親藩引誼歸正進賢王歲

芸窗賦

原越府稱三才

竟陵謂二佐

晉書曰劉興
為東海王越

以寓諷

左長史越既總錄以興為上佐賓客滿筵文案盈几遠

近書記日有數千終日不倦或以夜繼之人人歡暢莫

不悅附命議如流酬對款備時人服其能比之陳遵時

稱越府有三才潘滔大才劉興長才裴邈清才 齊書

曰陸慧曉遷右長史時陳郡謝朓為左長史府公竟陵

王子良謂王融曰我府二上佐求之前世誰可為比融

曰兩賢同時便是未有前例

增轉太子詹事

兼夏官尚書

山堂肆考

云唐太宗轉李勣詹事謂曰我兒新登儲貳卿故長史故有此除雖屈階資可勿怪也新唐書云姚崇兼相

王府長史以母老納政歸侍月餘復兼夏官尚書同鳳閣鸞臺三品伯賢白雲臺殿

卿梁園集

列朝詩集云朱右字伯賢洪武七年授經晉王擢晉王府長史有白雲臺行於世許邦

才字殿卿嘉靖癸卯解元德周二府長史周王崇易序其詩曰梁園集

著翦燈新話

著漢史筆記

又云瞿佑洪武中為周府右長史風情麗逸著翦燈新話及樂府歌辭為時傳誦

又云胡粹中永樂中楚府右長史在王門凡二十年忠心輔導著漢史筆記行於世

構第名安

老堂懸牌曰攄忠槐

獻徵錄云陳南賓洪武二十二年擢蜀府長史時屬獻王好學

禮士最號賢王南賓猶隨事規諫王甚敬禮之造安車以賜復為構第名安老堂又云劉淳為周王右長史端禮門夾路槐盛夏如蓋偶枯數幹淳歷陳咎徵進戒於王王納其言脩省枯幹復榮王乃書一牌懸於樹曰槐忠

諸王長史二

原決策帷幄

後魏書曰張充上谷沮陽人好學有文才太祖為代王遷為左長史決策帷幄太祖

器之禮遇優厚

侍宴升堂

吳志云張昭為長史侍宴升堂

人之表範

崔鴻

錄曰張躍字世淵清河東武城人學敏才達雅善清談石勒偉其議辨拜世子衛軍長史教世子曰張長史人之表範汝其師之

覘其醉醒

南史曰孔顗字思遠除安陸王世子綏後軍長史性使酒每醉輒

彌日不醒雖醉日居多而曉明政事酉時判決未嘗有
壅衆咸曰孔公一月二十九日醉勝他人二十九日醒

孝武每欲引見
遣人覘其醉醒

王府資重

梁張綰字孝卿自中軍宣
城王長史徙御史中丞武

帝使宣旨曰為國之急惟在執憲繩直用人本不限升
降晉宋代周閭蔡廓並以侍中為之卿勿疑是左遷時

宣城王府資
重故有此旨

增人倫儀表

山堂肆考云孔休源為梁
晉安王長史帝謂今以十

歲兒委卿善匡翼之乃敕王曰孔
休源人倫儀表汝當每事師之

王畏其直

新唐書
云權萬

紀為韓州刺史徙吳王
長史王畏其直善遇之

葛誠實告

獻徵錄云葛誠為
燕府長史使入奏

事覲朝廷所為建文密問燕府事誠具以實告
建文乃遣誠還燕使為內應靖難師起殺誠

龍鐔

不屈

又云龍鐔為晉府長史靖難師起徵兵於晉
鐔以大義不可靖難後詔械鐔至不屈死之

一

言活數萬

列朝詩集云管訥華亭人洪武九年徵拜楚王府紀善升左長史初從楚昭王破銅鼓之

蠻諸將欲殄其餘黨固爭之得免
昭王曰管長史一言活數萬人

增詩宋蘇軾和贈羊長史詩曰我非皇甫謐門人如摯
虞不特兩鵠酒肯借一車書欲令海外士觀經似鴻都
結髮事文史俯仰六十餘老馬不耐放長鳴思服輿故
我根塵在未免病藥俱念君千里足歷塊猶踟躕好學
真伯業比肩可相如此書久已熟救我今荒蕪欲慙桑
榆迫豈厭詩酒娛奏賦病未能草玄老更疎猶當距楊

墨稍欲懲荆舒

元郭鈺和寄龍長史詩曰扇外風塵

素不干湖光遙送酒船寬錦牋傳草春詞好銀燭燒花

夜枕安四海交遊空老大百年世事半悲歡子真谷口

深相憶黃獨無苗深雪寒 虞集訪杜弘道長史不值

詩曰雨浥輕塵道路乾朝回隨處借花看牆東千樹垂

楊柳飛絮時來近馬鞍 明秦府長史茅大方端禮樓

進講奉教賦詩次繆紀善韻詩曰百二河山重鎮雄金

城環繞宛如龍南樓勢插金冥表東井光連紫極中書

演九疇宣帝範詩歌二雅正王風儒臣進講思陳戒敢
學揚雄賦漢宮 何景明荅雷長史詩曰十載寒壇鄭

畫師風流文采更堪思朱門鼓瑟官仍達青殿揮毫出
每遲百里風煙還薄暮孤城雨雪已多時極知歲晚傷
心切起傍官梅自詠詩 又送雷長史詩曰彤管先朝

隨帝子白頭今日奉王孫漢庭亦羨相如美楚客重看
賈傅尊花下圖書開玉殿日高琴瑟在朱門十年亭閣
淮西宴腸斷梁王雪夜尊 李夢陽送王長史入覲詩

曰帝里花應待王筵醴暫違舟從春水上人是錦衣歸
日月瞻新袞風雲壯舊畿辭朝君即返莫賦北山薇

李攀龍苦熱憶許長史詩曰河朔風流避暑年平臺此
日更翩翩客惟枚叔元稱叟主是梁王雅好賢兔苑近
含嵩少雪雁池遙動廣陵天故人苦熱心同渴安得金
漿共爾傳 又許殿卿擢左長史詩曰萬里襜帷遇主
恩長裾一再歷寒溫諸侯賓客梁園盛帝子官僚相國
尊誰為從荀駟馬自應虛左過彝門況兼詞賦凌雲

氣漢署風流那可論
沈明臣送周象賢赴襄國長史
詩曰送君芳草路落日且徘徊倚相元官楚襄王故愛
才地當巫峽盡天入漢江迴莫學長沙傳湘纍弔不回
張九一送伯宗高為景府長史詩曰方城紫氣鬱嵯
峨帶礪今看帝子過礪指恒山為泰岳帶環潁水作黃
河朝廷禮數元王異賓客文章宋玉多在昔曳裾應不
賤休從華髮怨蹉跎

增制唐蘇頲授崔子源岐王府長史制曰具官崔子源

地緒清茂風襟亮拔有如繩之直懷匪石之心學不為
人文能飾吏憲曹白簡秋隼曾飛禮闈青縑晨鳧就列
睠於藩邸親則舅甥俾踐端寮宜膺錫命 元稹授薛
昌族等王府長史制曰敕建邦之王府置長史司馬以
紀掾屬之秩序而稽其職業也前寧州刺史薛昌族前
沁州刺史烏重儒等皆勲伐之子孫並良能之牧守朕
河山在念宵忘獎勞藩邸求才實思高選昔阮孚以嘯
詠自樂龐秀有忠烈可嘉更任王宮咸稱國器今之榮

授其在茲乎佇移汝理郡之方以助予維城之固

增碑唐張說邠王府長史陰府君碑曰公諱某字某武威姑臧人也承禮樂之峻胄稟清明之異姿天生粹靈氣含真素尚東郭以自逸與南容之不廢拜命宜城王府記室參軍入為慶王友轉太子中允又拜國子司業邠王府長史或舉德以進或尚閒而退不失其正達識推高

王府諮議一

增曳裾束帶

元稹授王自勵原王府諮議制擢授曳裾之寮白居易重授李晟通事舍人

王府諮議制可使束帶曳裾為吾謁者

蕭用道改官

董文用參議

徵獻

錄云蕭用道為靖江府直史王敬重之時詔百司復舊制罷直史司為諮議所改為諮議無幾陞諮議所為長史司遂陞右長史元史云董文用以兵部郎中參議都元帥府事時諸王只必帖木兒鎮西方其下縱橫需索文用坐幕府輒面折以法其徒譖文用於王王遣其傳訊文用文用因歷指不法者數十事其傳白王王召文用謝之曰郎中持此以事朝廷宜勿怠自是省府事頗立

王府諮議二

增官陞王邸

孫遜授郭元駐寧王府諮議制

官彼王門

孫遜授李夷吾榮王府諮

議制官
彼王門

增制唐元稹授郭皎冀王府諮議制曰敕郭皎材任爪
牙姻連肺腑領轅門之右廣假桂苑之元寮夙著威名
嘗頌勇爵元戎啓狀慶澤覃恩宜輟豹韜之雄以資雁
沼之畫

增碑唐孫逖滕王府諮議杜公神道碑曰公諱義寬東
都濮陽人也承邁種之遺訓體清醇之上姿童而典學
冠而好古貞觀中拜饒州刺史遷蘇州司馬遷滕王府

諮議其所在也使者升聞其所去也邦人頌德且有兼
官之拜固實太宗之屏宜享三壽以諧百工天難諶斯
不可黷已

王府東西閣祭酒

增任敬臣孝行 蘇世長却賂

玉海云任敬臣以孝行為越王西閣祭酒許王

文學 新唐書云蘇世長為天策府軍諮祭酒引為學士貞觀初使突厥與頡利爭禮不屈拒却賂遺朝廷壯之

王府司馬一

增藩寄

憲寮

常袞授李友信蜀王府司馬制久淹海隅尋易藩寄杜牧授康從固翼王府

司馬制曳裾憲寮用示恩寵

超宗怨望

王晞遨遊

山堂肆考云南宋謝超宗

為黃門即出為南郡王中軍司馬人問曰承有朝命定是何府超宗荅曰不知是司馬為是司驢既是驢府正應為司驢有司奏以怨望免又云後魏王晞為常山王司馬在并州雖戎馬填委未嘗以世務為累良辰美景嘯詠遨遊以談讌為事士人謂之方外司馬

位加輔國

兵統南衙

白帖云龐

秀為司馬位加輔國將軍新唐書云袁恕已知相王府司馬與誅二張又從相王統南衙兵備非常

蘇慎行美名

劉禕之師矩

又云蘇勗字慎行遷魏王泰府司馬博學有美名泰

重之孔帖云劉禕之拜相王府司馬帝謂曰卿家忠孝朕子賴卿師矩冀蓬在麻不扶而直也

王府司馬二

增蘇良嗣諫王

事文類聚云蘇良嗣高宗時為周王府司馬王年少不法良嗣數諫王以法繩

府官不職者甚見尊憚帝異之

潘好禮諫王

新唐書云潘好禮開元初為邠王府長史王為

滑州刺史好禮兼府司馬知州事王御下不能肅有詔好禮檢督王家農日王出獵好禮遮道諫王不許乃臥馬下呼曰今農在田王何得非時暴禾稼以損下人要先踐殺司馬然後聽所為王慙為還

增詩元貢師泰送淮王府蒲司馬西還詩曰重弓滿引

鳴鏑和翻身躍馬渡黃河日高射獵王半醉軍中司馬功最多白狼西來獻天子腰間玉龍鱗甲紫寶書緘奏

動宸京黃封御酒貺邊庭弦蒲汭鞠幾千里芳草萋萋
春似水鳥聲山色不勝情枚生作賦才難比

增制唐蘇頲授田幹之溫王府司馬制曰具官田幹之
聿脩厥德孝稱於百行無玷斯言慎比於三復文儒每
固其業清白用傳其範拜郎仙署已題京兆之名為相
寵藩式贊河間之美

增碑唐李華慶王府司馬徐府君碑曰君諱堅字某東
海郊人也父大理卿有功君直溫秉廉深於德行祖考

之訓叢乎厥躬歷邵王府戶曹後為岐王府司馬轉慶
王府階朝議大夫襲封東莞侯不登期頤不至大官惠
文太子之在岐即膚敏好學上最器念四時鍾渥澤賓
客多詞人君每引道書滿盈之誠以扶俊德忠也銘曰
三命益恭慶祚猶鍾矧我大理金人門宗扞蔽皇家枝
梧羣允百族感慕大哉勲庸克生茂德山鎮泉塞卷以
道風舒為士則如何詰人終始藩國

王府侍讀

贊讀同

增元度德業

思廉節義

隋書曰楊汪字元度勤學為周冀王侍讀王甚重之每曰

侍讀德業優深孤之穆生也

唐書曰姚思廉初為代

王侍讀屬義師入京城時府僚駭散惟思廉侍不離其

側義師入殿門思廉謂之曰唐公舉兵本匡王室卿等

不宜無禮於王衆服其言於是布列階下太宗居藩引

為文學及親征徐圓朗思廉時在洛陽太宗嘗言及隋

亡之事歎曰姚思廉不懼兵刃以明大節求之古人亦

何以加也因賜物百段遺其書

著訓十篇

歷侍四

曰想卿節義之風故有斯贈

王新唐書云丁公著為直學士充皇太子諸王侍讀因

著太子諸王訓十篇

合璧事類云徐耕更潞沛豫

周諸王侍讀四王

才如仲宣

職兼詹事

翰苑新書云徐摛高

之門從容經席

祖謂周捨曰我欲求一文學俱長兼有行者今與晉安

王緯游處捨曰臣外弟徐摛形質短小若不勝衣而堪

此選高祖曰必有仲宣之才無問其容貌乃以擣為侍讀山堂肆考曰宋周必大辭免兼太子詹事奏狀近歲以來必於近臣中擇嘗任王府侍讀者就兼是職

王府侍讀二

增無定員

玉海云侍讀無定員

改官名

記纂淵海云徽宗政和七年張大亨奏竊見講

讀之官在天子謂之侍講侍讀而在諸王府者亦有侍講侍讀官號比擬稱謂相系詔諸王府侍讀改為贊讀侍講改為直講

閉影朱門

又云梁陶弘景為諸王侍讀雖在朱門閉影不交外務惟以披閱為

事

承恩兩宮

山堂肆考云唐徐岱充皇太子及舒王侍讀承兩宮恩顧時無與比

王府直講一

侍講同

增師範

賓禮

翰苑新書元和冊太子赦文曰歸登呂元膺宜侍講承華師範磐石可充諸王

太子侍講

又云大觀二年定王嘉王府侍講沈錫奏

真宗皇帝時以張士遜為王友命王荅拜以示賓禮今

講讀輔翼之官職在訓導亦王之

友傳也可如王友例今王荅拜

孫奭賜紫大猷

賜札

彙苑云至道二年以孫奭為諸王府侍講賜紫衣山堂肆考云宋張大猷在王邸讀資治通鑑壽

皇嘉納暇日

勸講親賢因事書冊

翰苑新書李洪水利云勸講親

賜札和詩

賢之地又云李浩兼恭王府直講在王府因事以及

時政書之於冊上或見之王亦愛重公他日補外屢年

乃歸王忻然曰

為潛邸說書命皇子從學

元史云陳顥為

李直講來矣仁宗居懷慶顯從行日開陳以古聖賢

居艱貞之道又云寶熙世祖命皇子真金從默學賜

以玉帶鉤諭之曰此金內府故物汝老人佩服為宜且使我子見之如見我也

王府直講二

增高選經佐

略彼藩邸高選經佐出除姚元之制

常參官充

翰苑新書云太平興

國四年別置侍講以常參官充

校正九經

又云孫奭為諸王府直講校正九經正義

展

閱五經

山堂肆考云唐蕭德言展閱五經必監濯東帶危坐對之高宗為晉王時詔德言講經授業及

升東宮仍

說宗朱熹

又云彭龜年為嘉王府直講因講魯莊公不能制其母曰母不

兼侍讀

能制當制其侍御之人王問此誰之說對曰朱熹也自後每講必問熹說何如

王府翊善

紀善附

增置一人 為兼官

翰苑新書云太平興國四年置翊善一人 又云孝宗初就傳范元

長以待制兼資善堂翊善自是率以從官為之其後親王府不復除第以朝士兼贊讀直講而已

諫

假山 進渾儀

又云姚坦為益王府翊善王嘗作假山召僚屬置酒觀之坦獨俛首不觀曰但

見血山安得假山王驚問對曰坦在田舍時見州縣督稅捕人鞭笞血流滿身此假山皆民租賦所出非血山而何太宗亦為假山未成有以坦言告於上者上曰傷民如此何以山為亟命毀之山堂肆考云黃裳為嘉王翊善因王誕日乃作渾天儀以獻更為歌詩以勉王進學如天而不息也

充以度支

輟為諫官

又云治平三年以尚書度支郎中王稷臣直集賢院充穎王府翊善 又云邵亢英宗諭

穎王曰以翊善端直樸厚輟為諫官矣王出道帝語遂以制誥知諫院

申翊宗藩 竭

誠親邸

又云胡文恭行王渙制云申翊宗藩曾惠訓之不倦又云胡文恭行向士安制云竭誠親邸

召對羣玉殿

侍宴太清樓

山堂肆考云邵亢為潁王府翊善召對羣玉殿

英宗訪以世務稱之曰學士真國器又云宋治平中宗室四千餘人親王置翊善侍講記室餘則宮院都講教授歲時有嘉慶事則侍宴崇政殿或太清樓黃裳宗朱熹趙鼎薦范冲

又云宋黃裳字勉仲為嘉王府翊善光宗諭之曰嘉王進學皆卿之功裳謝曰若欲追宗古先哲王當尋天下第一等人乃可帝問為誰裳以朱熹對又云趙鼎請以行宮新作書院為資善堂命建國公瑗聽讀且薦徽猷閣待制范冲兼太子翊善

增制明李夢陽戲贈周紀善詩曰廣文先生何為者十

欲出門九借馬只今徒步褰水濱
衰鬢漠漠常風塵鳳凰在笄雞啄食
首宿闌干半青黑君不見楚筵醴罷暮
歸來甌麈妻子無顏色
王翰送成紀善省親關中詩
曰端門賜告得馳歸雪霽河溝淨不泥
寒度雁聲天遠近早行林影月高低
河源出塞金繩直嶽色連雲翠蓋
齊戲綵高堂稱壽畢歸期先報薊門西

王府記室參軍一

諸參軍附

增掌書檄

委文翰

新唐書云唐皎武德初為秦王府記室從王征討掌書檄

又云韋

承慶補雍王參軍

斥巧言

對行優

合辭事類云竇

府中文翰悉委之

賈琰為判官每諸王宗室宴集琰必怡聲下氣褒贊拔

給酒叱之曰賈氏子何巧言令色之甚獨不媿於心耶

又云畢士安兼冀王府記室參軍端拱中詔王府官

各上所為文帝問近臣曰文吾既知之其行孰優皆以

士安對帝喜曰是

人物志

王佐才

新唐書云李守

也以本官知制誥

曹參軍通氏姓學世號肉譜虞世南曰昔任彥昇通經

時稱五經笥今以倉曹為人物志可乎孔帖云杜如

晦秦王引為府兵曹參軍時府屬多外遷王患之房喬

曰如晦王佐才也大王欲經營四方舍如晦無共功者

王鷟曰非公

專掌文疏

式瞻儀刑

海王越以孫惠

言我幾失之

為記室參軍專掌文疏每造書檄或驛馬催之應命立

成晉中興書曰王承少而冲澹太尉王衍雅重之東

海王越以為記室參軍敕子玘曰閑習儀度不如式瞻儀刑諷味遺言不如親承音旨王參軍人倫之表汝其師之

出入十年 經營四方

孔帖云房喬太宗以燉煌公徇渭北謁韓門署渭北

道行軍記室參軍公為秦王授府記室征伐未嘗不從衆爭取珍怪喬獨收人物致幕府王嘗曰漢光武得鄧禹門下益親今我見喬猶禹也居府出入十年軍符府檄駐馬即辦下見前杜如晦王佐才事以

史館為 自奉常司

翰苑新書云大中祥符五年以直史館晏殊為昇王府記室參軍

又云曲阜行辛雍制云維朕叔父為時賢王宜得良士使從而游以爾樸茂靜重有規矩輟自奉常往司管記

謹恪有守 自處澹如

又云太宗以王龜從等為陳王韓王冀王府記室參軍論

龜從等曰諸子生深宮未知世務必資良士贊導為善使日聞忠孝之道卿等謹恪有守故茲謹選各宜勉之

又云鄭雍元豐中為皇弟嘉王府記室參軍
在王府幾十年不遷而自處澹如士論歸重

論天

下事

作富貴箴

合辭事類云神宗初就外傳以韓維
為王府記室神宗嘗與維論天下事

語及功名維曰聖人功名因事始見不可有功名心
神宗拱手稱善又云孫覺遷昌王府記室參軍王禮之

問終身之戒覺為陳諸侯之孝作富貴箴

賦詩賜銀鍾

上書賜黃金

又云

杜淹秦王引為天策府兵曹參軍文學館學士嘗侍宴
賦詩尤工賜銀鍾又云薛收授天策府記室參軍嘗
上書諫王旼獵王答曰覽卿所陳知成我者
卿也明珠兼乘未若一言今賜黃金四十錠

豈可游

外府

屈以重吾府

景苑云王勵仕梁為河東王功曹
王出鎮勵將隨之藩張瓚時典選

曰王生才地豈可游外府乎奏為太子洗馬孔帖云
韋思謙沛王府長史皇甫公義引為倉曹參軍謂曰公

非池中物屈公為
數旬客以重吾府

蘇瓌擢參軍

世南轉記室

玉海云蘇

瓌擢豫王府錄事參軍

新唐書云虞世南陳文帝召

為建安王法曹參軍至德初除西陽王友秦王滅建德

引為府參軍轉記室

陳拜起進趨之節

有直諒多聞之益

翰苑

新書云神宗封淮陽王穎王韓維皆為記室參軍王每
事咨訪維悉心以對至拜起進退趨揖之容皆陳其節

又云初寮除李彌大制云朕以賢王將就外傳推茲
寮屬歷選在廷庶幾朝夕正士之親先有直諒多聞之

益擢參王府

蓋莫汝宜

王府記室參軍二

增衡陽王記室

沈約宋書曰孔顗署衡陽王義季記室
奉牋固辭曰記室之局實惟華要自非

文行秀敏莫敢居之額學不崇實性又疎惰何
可以屬知祕記秉筆文闡假吹之尤方斯匪濫

邵陵

王記室

太平御覽三國典略曰顏晃字克明琅邪臨沂人也少孤貧有詞采解褐梁邵陵王綸兼記室

參軍時東宮學士庾信常使於府王使晃接對信輕其
尚少曰此府兼記室幾人晃荅曰猶少於宮中學士

博陵王記室

隋書曰魏澹專精好學善屬文齊博陵王濟聞其名引為記室

以楊

礪為諭德

山堂肆考云宋楊礪字汝礪真宗為襄王時以礪為記室王甚重之及建東宮以為太子

右諭德真宗即位
名為翰林學士

擢陳薦為諭德

又陳薦字彥升神宗為賴王時薦為

王府記室參軍及
升儲擢為諭德

講說帳中常見許重

元史云董文用世祖在潛

藩命文用主文書講
說帳中常見許重

軍旅文檄悉出其手

又云張礪廉希憲薦

於世祖潛邸從伐宋凡徵
發軍旅文檄悉出其手

王府大小學教授

增南宮

北宅

翰苑新書云太宗至道元年以員外郎孫蟾充皇姪皇孫教授時中書言今皇

姪皇孫是環衛之職以教授為名從之真宗咸平元年以朱昂兼南宅教授張蔚兼北宅教授嘉祐以來置諸宮教授立講書課試規罰之法朝野雜記云咸平初命諸王府官分兼南北宅教授南宮者太祖太宗諸王之子孫處之所謂睦親宅也北宮者魏悼王子孫處之所謂廣親宅也

三省各選六

箴分賜

山堂肆考云宋元祐中詔諸官學教授員闕選所舉學官及可為師表可備講讀者補之不足

則三省各選京朝官有出身年四十以上者充之翰苑新書云吳充兼吳王宮教授以嚴見憚英宗在藩邸

心重之為宗室六箴以獻一曰視二曰聽三曰好四曰學五曰進德六曰崇儉仁宗命分寫徧賜皇族英宗書之座

以經義啓迪

陳聖賢出處

又云劉章紹興中兼普安恩平兩王

府教授事王即閱數歲以經義史學啓迪掖導受知孝宗自此始又云周孟陽嘉祐中為澤王濶王宮教授英宗辭命皆孟陽為之贊導勤至陳聖賢出處之方古今禍福之變以為箴規英宗起拜曰往時教授止於文章筆研爾今長者

選履行端慤

舉士行樸厚

又云仁宗

嘗曰諸宮院教授非止講習經旨亦須選履行端慤者於是張維翰充又云治平四年詔諸宮院教授須舉士行樸厚確有

真天子門生

與講官賓主

彙苑云紹

興二十五年以趙達兼普安恩平王府教授達時為禮部郎及引對上曰卿乃朕自擢泰檜日薦士曾無一言

及卿以此知卿不附權貴真天子門生也 又云英申
為睦親宅都講初宗室坐序爵仍自為賓主講官位主
席之東隅申不肖坐且曰宗室當以親族尊卑為序與
講官分賓主再移書大宗正宗正不能沒因內朝出二
書英宗是之宗室
正講席自申始

王府掾

增三命百石

太平御覽云漢書府掾比古之元士皆
三命也 又云漢舊注曰或曰漢初掾

史辟皆上言故有秩皆比命士其所不言
則為百石屬其後皆自辟故通為百石云

數諫東平

有稱京師

東觀漢記曰吳良東平王蒼辟為西曹掾
數諫正蒼多善策蒼上表薦良明帝拜為

議郎 晉中興書曰荀闡字道明有稱京師為
之語曰洛中英荀道明大司馬齊王辟以為掾

王府官屬雜附

增山堂肆考曰漢王駿吉子也遷趙王內史不願為王府屬即棄官去 新唐書曰于志寧識褚亮於囚中遷天策府中郎文學館學士引亮與同列 玉海曰沛王召王勃為府修撰論次平臺祕略 山堂肆考曰唐韋湊入為相王府屬時姚崇兼府長史曰韋子識遠文優吾恨晚得之 元史曰陳佑博通經史時諸王得自辟官屬穆王府署佑為府尚書賜其父母銀十錠錦衣一

襲王分土陝洛表為河南府總管 列朝詩集曰桂衡
洪武中授谷府奉祠刻意於詩日課不輟 又曰寧獻
王弘獎風流海寧胡奎以儒推名請為世子師傅者七
年告老而歸為輯其詩文序而傳之

御定淵鑑類函卷一百

謹案卷九十九第十二頁前四行徵拜屯騎校尉
刊本尉訛衛據晉中興書改

卷一百第二頁後四行王以為不便馬刊本馬訛
馬據史記改

第五頁前七行須通才敏思刊本須訛領據通典
改

第十七頁後四行姚樞刊本姚訛桃據元史改

第二十三頁前二行楚王入朝刊本王訛入據漢

書改



總校官庶吉士 臣 張能照

校對官編修 臣 朱 攸

膳錄監生 臣 郝爾敦

膳錄監生 臣 程 澍